


稽古錄

春



University of Toronto  
Library  
c 383/12  
ASIAN COLLECTION







稽古錄



同治十一年  
崇文書局開雕



進稽古錄表

臣光言竊以九州四海一日萬幾將察知民  
物之性情蓋布在文武之方策雖歷年多而  
舉其大要則用力少而見夫全功恭以

皇帝陛下富有春秋敕寧方夏念終始典於學於  
緝熙單厥心延登老成親近觀講發論語章  
句探經執之同歸誦寶訓丁寧憲

祖宗之不易有本如是實惟濫觴惟稽古堯舜之  
舊章惟信史春秋之成法高山可仰覆轍在



前其興亡在知人其成敗在立政或當艱難  
之運而不能師用賢智或有惻隱之意而無  
以照知忠邪載籍之編患乎太漫鑒觀之主  
力不暇遑敢用芟夷略存體要由三晉開國  
迄于顯德之末造臣旣具之于歷年圖自六  
合爲宋接乎熙寧之始元臣又著之于百官  
表乃若威烈丁卯而上伏羲書契以來對越  
神人可用龜鏡悉從論纂皆有憑依總而成  
書名爲稽古錄二十卷因仍書局繕寫奏篇



茲冒昧以上陳助聰明之遠覽臣光中謝恭  
惟

太皇太后陞下定九鼎以守天下之重器乘六龍  
以御古今之正權思齊之功啓佑聖學過物  
之濟燕及

宗祧至於法弊於涼而改爲官非其人而變置御  
戎之策上下措國之勢安危據舊以鑒新去  
彼而取此陶成萬化簡在

兩宮七廟乘無疆之休微臣與不朽之業干冒



宸展無任

正議大夫守尚書左僕射兼門下侍郎上柱國河內郡開  
國公食邑四二百戶食實封一千五百戶臣司馬光上進



朱文公與鄭知院書

熹鄉在長沙嘗得溫公稽古錄正本別爲刊刻  
殊勝今越中本欲待成書奏御未竟而來又欲  
面奏行下取索則又未及而去每念此書溫公  
所以願忠君父之志更歷三朝然後成就其論  
人君之德有三而才有五者尤爲懇切不可不  
使聖主聞之不知可以一言及之行下本縣取  
索投進否然不必及熹姓名恐罪累之跡延及  
先賢反致忠言不得聞達也聞中司已兼讀官



幸更與議之同君舉子壽諸公共白之也

朱文公語錄中語

溫公之言如桑麻穀粟且如稽古錄極好看又  
曰稽古錄一書可備講筵官僚進讀小兒讀六  
經了令接續讀去亦好



司馬溫公稽古錄目錄

第一卷

伏羲氏

一百一十年

神農氏

一百四十年

有熊氏

一百一十年

金天氏

八十年

高陽氏

七十八年

高辛氏

七十年

第二卷

陶唐氏

一百一十年

第三卷

有虞氏上

合下卷五十年



第四卷

有虞氏下

夏后氏上

合下卷十七主  
四百三十二年

第五卷

夏后氏下

高辛丑

辛丑

第六卷

金天丑

丑

殷上

合下卷三十主  
六百二十九年

熹癸丑

丑

第七卷

殷下



第八卷

周上

第九卷

周下

至共和初十一主自是以後年始可譜

共和之初諸侯所自出

魯

至慎公鼻

齊

至武公壽

晉

至靖侯宜臼

秦

至秦仲

楚

至熊勇

宋

至僖公

衛

至僖侯

陳

至幽公寧

蔡

至武侯

曹

至夷伯喜



第十卷

共和

元年至十四年

宣王

四十六年

幽王

十一年

平王

五十年

桓王

二十三年

莊王

十五年

釐王

五年

惠王

二十五年

襄王

三十三年

頃王

六年

匡王

六年

定王

二十一年

簡王

十四年

靈王

二十七年

第十一卷



景王  
二十五年

敬王  
四十年三年

元王  
八年

貞定王  
二十八年

考王  
十五年

威烈王  
二十四年

安王  
二十六年

烈王  
七年

顯王  
四十八年

慎靚王  
六年

赧王  
五十九年

秦昭王  
五十五年

孝文王  
一年

莊襄王  
三年

始皇  
三十七年

二世  
三年



第十二卷

西漢高祖  
年十二

惠帝  
年七

高后  
年八

文帝  
年三

景帝  
年十六

武帝  
年四

昭帝  
年十三

宣帝  
年二

元帝  
年十六

成帝  
年二

哀帝  
年六

平帝  
年五

孺子  
年三

王莽  
年十四

淮陽王  
年二

王  
年四



第十三卷

東漢光武  
三十三年

明帝  
十八年

章帝  
十三年

和帝  
十七年

殤帝  
一年

安帝  
十九年

順帝  
十九年

冲帝  
一年

質帝  
一年

桓帝  
二十一年

靈帝  
二十二年

獻帝  
三十一年

魏文帝  
七年

明帝  
十三年

邵陵厲公  
十四年

高貴鄉公  
六年



元帝

年五

晉武帝

年二十

惠帝

年十七

懷帝

年六

愍帝

年四

東晉元帝

年六

明帝

年三

成帝

年十七

康帝

年二

穆帝

年十七

第十四卷

哀帝

年四

西海公

年五

簡文帝

年二

孝武帝

年二十

安帝

年二十

恭帝

年一



宋武帝

年二

營陽王

年一

孝武帝

年十

蒼梧王

年四

齊高帝

年四

武帝

年十一

東昏侯

年二

梁武帝

年四

簡文帝

年二

文帝

年三十

明帝

年八

順帝

年二

明帝

年五

和帝

年一

元帝

年三



敬帝

年二

陳武帝

年三

文帝

年七

宣帝

年十四

隋文帝

年十六

煬帝

年十二

唐高祖

年九

第十五卷

太宗

年二十

臨海王

年二

長城煬公

年六

恭帝

年一



高宗

三十四年

則天皇后

二十一年

中宗

五年

睿宗

二年

玄宗

四十四年

肅宗

七年

代宗

十七年

德宗

二十五年

順宗

一年

憲宗

十五年

穆宗

四年

敬宗

二年

文宗

十四年

武宗

六年

宣宗

十三年

懿宗

十四年

僖宗

十五年

昭宗

十五年



哀帝

年二

梁太祖

年六

均王

年十

唐莊宗

年三

明宗

年八

晉高祖

年七

齊王

年四

漢高祖

年二

隱帝

年二

潞王

年二



周太祖  
四年

世宗  
五年

第十六卷

歷年圖序

第十七卷

本朝

太祖  
建隆三年  
開寶八年

乾德五年

太宗  
太平興國八年  
淳化五年

雍熙四年  
至道三年

端拱二年

第十八卷



真宗

咸平六年  
天禧五年

景德四年  
乾興一年

大中祥符九年

第十九卷

仁宗

天聖九年  
寶元二年

明道二年  
康定一年

景祐四年

第二十卷

仁宗

慶歷八年  
至和二年

皇祐五年  
嘉祐八年

英宗

治平四年

司馬溫公稽古錄目錄



司馬溫公稽古錄卷之一

伏羲氏

太昊伏羲氏

太昊有天下之號也。惟天生民有欲無主，乃

亂。必立聰明之君，長以司牧之。何謂司牧？蓋民  
不足於衣食，則能養之；衣食足矣，或不從禮義，  
相侵漁，則能教之。教之備矣，或頑嚚不從，則能  
威之。由是民愛之如父母，仰之如日月，信之如  
四時，畏之如雷霆，莫不悅服。推而尊之，聰明之  
小者所服寡；聰明之大者所服衆。衆所服寡者爲  
聚邑之長，爲士大夫卿所服；衆所服衆者爲一國  
之君。一國者是爲諸侯，天下爲國，位均力敵，或相  
侵陵，吞噬莫能相治，必待天生聖人，出乎其類，  
拔乎其萃，聰明照萬事，威令行四海，天下無不  
歸往而率服。然後爲天子。天子者，萬國父母，人  
之至尊。



無與為比。惟父事天，母事地。故曰：天子，伏羲之前，為天子者，其有無不可知也。如天皇、地皇、人

皇，有巢、燧人之類，雖於傳記有之，語多迂怪，事不經見。臣不敢引。獨據周易自伏羲以來敘之。

風姓。姓者，人之所自生也。以木德繼天而王，都宛丘。今陳州是

也。仰則觀象於天，俯則觀法於地，於是始作八

卦。太昊之時有龍負圖出於河，太昊法而以通

神明之德。神明謂造化也。乾為天，坤為地，震為

為澤，造化萬物皆由此八者而生成通導。以順

也。作八卦以通導造物之德，使人知之也。

萬物之情。

乾健也，坤順也，震動也。巽入也，坎陷也，離麗也，艮止也，兌說也。萬物之情

無出此作結繩而為罔罟，以佃以漁。佃，畜田也。佃，獵取禽獸

八者



也漁取魚也

上古之民處於草野。未知農桑。但逐捕禽獸。食其肉。衣其皮。禽獸飛走。非人所及。制之甚難。無以禦飢寒。故太昊教之爲罟罔。以羅禽獸。漚水物。又教民豢養六畜。馬牛羊豕犬雞。無逐捕之勞。可以充庖。且以爲犧牲。享神祇。故號伏羲氏。亦號庖犧氏。

○神農氏

炎帝。神農氏。姜姓。繼伏羲以火德王天下。是時民益多。禽獸益少。炎帝乃教民播種百穀。斲木爲



耜揉木爲耒春耕夏耘秋穫冬藏民食以充故  
號曰神農氏炎帝以一人所爲不足以自養必  
通功易事貿遷有無乃教民日中爲市致天下  
之民聚天下之貨交易而退各得其所

○有熊氏

黃帝有熊氏姬姓曰軒轅有熊國君少典之子生  
而神靈弱而能言幼而徇齊

徇疾齊速也

長而敦敏

成而聰明炎帝旣沒子孫德衰蚩尤始作亂延  
及于平民罔不寇賊姦宄奪攘矯虔

羣行攻劫曰寇殺人



不忌曰賊在外曰姦在內曰宄  
自來而取曰攘矯詐處殺也

黃帝乃治五兵

以征之與蚩尤戰于涿鹿之野禽而殺之

涿鹿  
州

諸侯皆去神農氏歸黃帝黃帝與炎帝子孫戰  
于阪泉之野三戰然後得其志諸侯咸尊黃帝  
爲天子代神農氏黃帝以民生有欲衣食雖備  
苟無禮義則強陵弱衆暴寡智欺愚勇苦怯於  
是始制軒冕垂衣裳貴有常尊賤有等威使上  
下有序各安其分而天下大治作舟楫以濟不  
通服牛乘馬引重致遠正名百物天下有不順



者征之平者去之邑于涿鹿之阿遷徙往來未  
嘗寧居在位百年而崩年百一十歲有二十五  
子其得姓者十四人爲十二姓姬酉祁已滕箴  
任荀僖姑懷依姑其訖切  
懷呼緣切

○金天氏

少昊金天氏已姓曰摯亦曰青陽黃帝之子繼黃  
帝以金德王天下故號金天氏都曲阜命充  
州

○高陽氏

顓頊高陽氏黃帝之孫也父曰昌意高陽氏以水



德王天下都濮陽靜淵而有謀疏通而知事養  
財以任地履時以象天北至幽陵南暨交趾西  
蹈流沙東極蟠木動靜之物小大之神主山川神日  
月所照莫不平服先是帝王皆以天瑞爲官師  
之名至高陽氏始爲民師而命以民事在位七  
十八年壽九十一歲

高辛氏

帝嚳高辛氏黃帝之曾孫立嚳之孫蟠極之子也

都亳

今穀熟號南亳

普施利物不於其身聰以致遠明



以察微順天之義知民之急仁而威惠而信脩  
身而天下服其色郁郁其德疑疑其動也時其  
服也衷執中而徧天下日月所照風雨所至莫  
不從化在位七十年壽百有五歲

司馬溫公稽古錄卷之一



司馬溫公稽古錄卷之二

○陶唐氏

帝堯祁姓曰放勳帝嚳之子初封於陶後改封唐

故曰陶唐氏年十六以唐侯升為天子都平陽

今晉堯欽明文思威儀表備謂之欽照臨四方謂之明經緯天地謂之文道

德純備允恭克讓光被四表格于上下允信克能光充

格至也既有四德又信恭能讓故克明駿德以

親九族駿大也言堯能脩明其大德以睦上自高祖下至玄孫等列旁支之親大學所

謂身脩然九族既睦平章百姓百姓國人也言後家齊也



之異姓者也皆化九族而平和  
章明所謂家齊然後國治也  
百姓昭明協和

萬邦黎民於變時雍

昭亦明也協合黎衆時是雍和也言天下衆民皆變

化化上是風俗大和  
堯德廣運乃聖乃神乃

武乃文

廣謂所覆者大運謂所及者遠聖無稽不通神妙無方文經天地武定禍亂

于衆捨已從人

稽考也雖聰明不獨斷自用必考察衆謀捨已所有從人所長

所以其仁如天其智如神就之如日

溫望之如

雲

能庇廕人下

惟天爲大惟堯則之

則法也法天行化

蕩蕩

乎民無能名焉

蕩蕩廣遠之稱言其布德廣遠民無能識其名

巍巍乎

其有成功

功成化隆高大巍巍

煥乎其有文章

煥明也其立文垂制



又著明命羲和歷象日月星辰敬授人時重黎之

和氏世掌天地四時之官星五星辰日月所允

會十二次歷象其分節謹記天時以授人也

釐百工庶績咸熙釐治工官庶衆績功咸皆熙

廣也言定四時成歲歷以告

時授事則能信治時洪水爲災堯咨四岳唐虞

百官衆功皆廣

官內有百揆四岳如今之宰輔百揆掌揆

度百事四岳分掌四時及四岳諸侯之政舉能

者使治之四岳舉鯀古本切堯知鯀頑嚚傲狠不

可用心不則德義之經爲頑四岳固請試之堯

口不道忠信之言爲嚚

屈已從之所謂捨已從人鯀治水九年功用弗成堯老

有子丹朱不肖欲遜位于四岳四岳辭以不德



堯使明舉有明德之人搜揚在側陋者衆乃曰

有鰥在下曰虞舜

舜年三十未娶故曰鰥虞今河府虞鄉縣

所居也

帝曰兪子聞如何

兪然也然其所舉堯聞舜而不用亦任天下之

耳目不

岳曰瞽子父頑母嚚象傲

舜父有目不能分別善惡

故時人謂之瞽瞍象舜弟

之字傲慢不友言皆惡

克諧以孝烝烝乂不

格姦

諧和烝進也言能以至孝和諧頑嚚昏傲使進進於善道以至自治不至陷入於姦

惡盛德之至無惡不化

帝曰朕其試哉

舜至德升聞堯獨試之者將授以大

任不得

女于時觀厥刑于二女

女妻刑法也堯於是二女妻

舜觀其法度接二

女以治家觀治國釐降二女于嬀汭嬪于虞

降下



嬪婦也舜為匹夫能以義理下帝曰欽哉能歎舜

帝女之心使行婦道于虞氏

已行敬以化帝女於是登舜於朝歷試諸難試

則其所能者大矣

治民之難事既有大功遂使攝行天子事堯在位一

百一年壽百一十七歲而崩百姓哀慕如喪考

妣舜封堯後於唐為虞賓

司馬溫公稽古錄卷之二



同鼎諸公辭古粉卷之二

城戰後奏辭飲酒食肉是

序...年...百...十...十...意...而...能...百...按...哀...慕...破...登...

...天...千...車...美...日...外...

...長...登...報...飲...醉...思...前...難...

...帝...曰...知...是...



司馬溫公稽古錄卷之三

○有虞氏上

帝舜有虞氏姚姓曰重華其先出於高陽氏祖曰

牛父曰瞽瞍舜濬哲文明溫恭允塞

濬深哲智也其德信

充塞上下

父母弟頑嚚不友日以殺舜爲事舜耕于

歷山以失愛於父母日號泣于旻天不敢怨懟

失子道負罪引慝以事祇見瞽瞍夔夔齊栗

齊側

皆切

瞽亦信而順之弟象亦化之不至於大惡至

德升聞堯既妻以女試之乃命以位舜舉伯奮



仲堪叔獻季仲伯虎仲熊叔豹季狸八元元善也

使布五教于四方五教父義母慈兄友弟恭子孝亦曰五典典常也五

典克從內平外成舉蒼舒隤徒回切斂五開切檇音桃

戴音演大臨龐降庭堅仲容叔達八愷愷和也使揆

百事百揆時序地平天成流共工驩兜都侯切三

苗繇四凶于四裔而天下咸服四門穆穆穆穆美也

諸侯來朝者皆有美德無凶人也陰陽和順烈風雷雨弗迷堯

知舜功德大成欲使陟帝位舜辭不受乃使舜

攝行天子事代已巡守朝四岳諸侯舜察璿音旋



璣音機玉衡以齊日月五星之行度以考正歷數

二十有八載堯乃殂落舜服喪三年畢始卽天

子位都蒲阪今河府明四目達四聰廣視聽於四方使天下無

壅塞命禹宅百揆宅居也居百揆之官棄爲后稷播時百穀

播布也布種百穀契作司徒敷五教敷亦布也皐陶作士典

五刑惟明克允刑期于無刑雖或以殺止殺終無犯者刑期於無

所垂共工益作虞掌山澤草木鳥獸取之有時用之有節

伯夷作秩宗典三禮夔典樂教胄子擊石拊石

百獸率舞箛韶九成鳳皇來儀韶舜樂名儀有容儀龍作



納言出納惟允舜上循堯道下任衆賢恭已南

面無爲而治舜好問而好察邇言

淺近之言

隱惡而

揚善

人言惡者隱而不彰善者宣揚而行之

執其兩端用其中於

民臨下以簡御衆以寬罰弗及嗣賞延于世

延及

也父子罪不相及而及其賞道德之衆

宥過無大刑故無小

過誤所犯

雖大必宥不忌故犯雖小必刑

罪疑惟輕功疑惟重

刑疑附輕賞疑從重

忠厚之至

與其殺不辜寧失不經

經常也寧失不常之罪不枉不辜之

善仁愛之道

君臣常相儆戒於朝禹曰后克艱厥后

臣克艱厥臣政乃乂

乂治也能知爲君難爲臣不易則其政治

益曰



任賢勿貳去邪勿疑

一意任賢果於去惡

罔違道以千百

姓之譽

干求也失道求名古人賤之

罔

音佛

百姓以從已之

欲

咈戾也專欲難成犯眾與禍故戒之

皐陶曰在知人在安民禹

曰知人則哲能官人安民則惠黎民懷之此帝

堯所難皐陶曰亦行有九德亦言其人有德乃

言其行事以驗之曰寬而栗

性寬大而能莊栗

柔而立

和柔而能立事

愿而恭

慤愿而恭恪

亂而敬

亂治也有治而能謹敬

擾

而毅

擾順也致果為毅

直而溫

行正直而氣溫和

簡而廉

性簡大而

有廉隅

剛而塞

剛斷而塞實

疆而義

無所屈撓動兵合義

彰厥有



常吉哉

彰明吉善也其人行此德有常不變至於彰著此真吉士可用哉

三德

有家

九德之中有其三可以為卿大夫

六德有邦

可以為諸侯

翁受

敷施九德咸事俊乂在官

翁合也能合受三六之德而用之以布施

政教使九德之人皆用事謂天子如此則俊德治能之士並在官

兢兢業業一

日二日萬幾

兢兢戒慎業業危懼幾者動之微吉凶之先見者也王者戒懼於事

微小之時制治於未亂保邦於未危則易為力已亂已危則難為功一日二日之間幾微之事

至有萬端無曠庶官天工人其代之

曠空也位非其人為

空官言百官代天理物

天聰明自我民聰明

自用

也言天因民而降之福民所歸者天命之天視聽人君之行用民為聰明

天明畏自



我民明畏

天威可畏亦用民成其威民所帝曰

臣作朕股肱耳目

言大體若身

予違汝弼汝無面從

退有後言

我違道汝當以義輔正我無得禹曰

萬邦黎獻共惟帝臣惟帝時舉敷納以言明試

以功車服以庸

獻賢也萬國衆賢共爲帝臣帝宜以時舉其秀者先使布納其

爲治之言察其是非能言者未必能行故未宜試之以事以明辨衆言之虛實必待其功效顯著然後賜之車服爵命面用之

司馬溫公稽古錄卷之三



同惠臨公晉古翰卷之三

并外即見

建書天祐之聖大興西夏之機帝曰天祐之聖大興西夏之機帝曰

臣并親親

言大歸年夢道源成無面

聖市安言

聖市安言聖市安言聖市安言聖市安言

萬氏茶爐共謝帝曰謝帝報舉煙降以言便成

以似車頭以報

以似車頭以報以似車頭以報

篇文以意以則難來言文並實必待其成較福

篇文以意以則難來言

篇文以意以則難來言篇文以意以則難來言



司馬溫公稽古錄卷之四

○有虞氏下

帝作歌曰股肱喜哉元首起哉百工熙哉

元首君也

股肱之臣喜樂盡忠君之治功乃起百官之業乃廣言君得良臣乃能致治

臯陶賡

之曰元首明哉股肱良哉庶事康哉

賡續也言人君選任

之明則股肱大臣無不忠良大臣忠良則天下衆事無不安者言治安之本在君明

又歌

曰元首叢脞哉股肱惰哉萬事墮哉

叢脞細碎無大略明

主好要闇主好詳主好要則百事詳主好詳則百事荒君既不知治要躬親細務則大臣無所事事皆解體不爲用萬事非一人可治故皆墮壞  
舜老有子商均亦不



肖不足傳天下乃命禹攝行天子事舜命禹征

有苗三旬苗民逆命益贊于禹曰惟德動天無

遠弗届

贊佐居至也益以此義佐禹欲其修德致遠

滿招損謙受益

時乃天道

自滿者人損之自謙者人益之是天之常道

至誠感神矧

茲有苗

誠和也矧况也至和感神况有苗乎言易感

禹拜昌言曰兪

班師振旅

昌當也以益言為當故拜受而然之遂還師兵入曰班振言整衆

帝

乃誕敷文德

達人不服大布文德以來之

舞干羽于兩階

干楯

羽翳也皆舞者所執脩闡文教

七旬有苗格

討而

舞文舞于賓主階間抑武事

舜生三十徵庸

始見

三十在

御之者必有道



位

歷試二年攝位二十八年

五十載而崩

舜服堯喪三年其一在五十之數故

為天子

壽百一十二歲禹封舜後於虞而客之

及周武王克商封舜後胡公於陳賜姓媯氏孔

子曰後世雖有作者虞帝弗可及也已矣

○夏后氏上

夏后姒姓曰文命高陽之孫鯀之子也堯命鯀治

水功不成舜臣堯殛鯀于羽山舉禹使代父治

水

廢父與子堯舜之道

天乃錫禹洪範九疇

洪大範法疇類也洛出書

神龜負文而出列于背有數至于九禹因而第之以成九類一五行二五事三八政四五紀五



皇極六三德七稽疑禹治水順五行之性天

地之理不墮山不崇藪壅者決之滯者導之行

水於其所無事故功易成禹治水勤勞陸行乘

車水行乘舟泥行乘橈子絕切形如箕行泥上山行乘楫

紀錄切以鐵如錐頭長半寸娶塗山氏女歷辛

壬癸甲四日復往治水塗山氏女生子啓禹過

門聞啓呱呱音孤而泣不入視之時下民昏墊丁念

切昏瞽墊陷艱食難得禹隨山刊木隨行山林

言困水災與益得禽獸佐民食決九川距四海濬畎澮距



川距至也決九州名川通之至海一畝之間廣尺深尺曰畎方百里之間廣二尋深二仞曰澮澮畎澮之平田無水與稷教民播種百穀澮

至川亦入海

川得魚鼈佐民食澮深其流烝民乃粒萬邦作乂米食

曰粒言天下由此為治本禹分天下為冀兗青徐揚荊豫梁

雍九州任土作貢任其土地所有九州攸同四

隩既宅四方之宅九山刊旅九川滌源九澤既

陂九州名山已槎木通道而旅祭矣九州之川已滌除泉源無壅塞矣九州之澤已陂障無

決溢矣四海會同四海之內會同京師庶土交正

底慎財賦交俱也衆土俱得其正謂壤墳壩致所慎者財貨貢賦言取之有節用之



有威則三壤成賦中邦

皆法壤田上中下大較三品成九州之賦明水

害又

以天下近遠分甸侯綏要荒五服辯諸侯

職守東漸于海西被于流沙朔南暨聲教

漸入也被

及也此言五服之外皆與王者聲教而朝見

訖于四海荒乃錫禹玄

圭告厥成功

司馬溫公稽古錄卷之四



司馬溫公稽古錄卷之五

夏后氏下

舜受禪使禹宅百揆舜老以位傳禹曰朕居帝

位三十有三載耄期倦于勤汝惟不怠摠朕師

師衆也八十九十曰耄百年曰期頤年已耄老厭倦萬機汝不懈怠于位稱摠我衆欲使攝

禹辭帝曰克勤于邦克儉于家不自滿假惟汝

賢滿謂盈實假大也言禹惡衣菲食卑其宮室而盡力爲民執心謙沖不自盈大汝惟

不矜天下莫與汝爭能汝惟不伐天下莫與汝

爭功

自賢曰矜自功曰伐言禹推善讓人而不失其能不有其勞而不失其功所以能絕



人衆天之歷數在汝躬汝終陟元后陟升也元大也

人心惟危道心惟微惟精惟一允執厥中危則難安

微則難明精所以明其難明一所以安其難安然道之大要莫若信執其中無稽之

言勿聽非詢之謀勿庸無考無信驗不詢專獨終必無成故戒勿聽用

可愛非君可畏非民衆非元后何戴后非衆罔

與守邦民以君爲命故可愛君失道民叛之故可畏言衆戴君以自存君恃衆以守國

相須禹拜稽首固辭帝曰毋惟汝諧毋禁止辭而立

和元后禹乃受命攝行天子事如舜之初舜崩之任

禹三年喪畢卽天子位會諸侯於塗山執玉帛



者萬國又會諸侯於會稽長狄防風氏後至禹

戮之禹命遠方圖物

圖畫山川奇異之物而獻之

貢金九牧

使九州之牧貢金

鑄鼎象其州之物

象所圖物著之於鼎

百物而

為之備使民知神姦

圖鬼神百物之形使人逆備之

故民入川

澤山林不逢不若

若順也

魑魅魍魎

魑山神獸形魅怪物魍魎

水神莫能逢之禹崩壽百年孔子曰禹吾無間然

矣堯之崩也天下諸侯不歸丹朱而歸舜舜之

崩也天下諸侯不歸商均而歸禹禹崩子啓賢

天下諸侯皆曰吾君帝禹之子也相帥歸之○



啓乃卽天子位有扈逆命

扈今京兆鄆縣

啓征扈滅之

享諸侯於釣臺

陽翟縣南有釣臺陂

啓崩子太康立○王

太康尸位

尸主也

以逸豫滅厥德黎民咸貳乃盤

遊無度畋于有洛之表十旬弗反有窮后羿

窮國

之君

因民弗忍王之惡拒于河王不得入國遂廢

之立其弟仲康而相之夏室微弱○王仲康崩

子相立○王相之時羿遂代夏政相失國依於

同姓諸侯斟灌及斟鄩氏羿恃其善射不脩民

事而淫于原獸

好佃獵

棄武羅伯因髡熊龍圉

四子



皆羿之賢臣而用寒浞寒浞伯明氏之讒子弟也伯明

寒君名伯明后寒棄之夷羿收之夷氏信而使之以

為已相浞行媚于內內宮人而施賂于外愚弄其

民欺罔之而娛羿于畋樂之以游畋以樹之詐慝以取其

國家樹立也外內咸服信浞詐羿猶不悛悛改也將歸

自畋家衆殺而烹之以食其子靡奔有鬲氏靡夏

遺臣事羿者有鬲國名浞因羿室就國妃妾生澆及豷澆五豷切豷許

醫切恃其讒慝詐偽而不德于民使澆用師滅斟

灌及斟鄩氏殺夏后相處澆于過處豷于戈后



緡方娠逃出自竇

后緡相妻娠懷身也音身

歸于有仍

后緡有仍

氏女生少康焉為仍牧正

牧官之長

澆使椒求之

椒澆臣

逃奔有虞為之庖正虞思於是妻之以二姚

思有

虞君也虞思自以二女妻少康

而邑諸綸

綸虞邑

有田一成有衆

一旅

方十里為成五百人為旅

能布其德而兆其謀

兆治

以收

夏衆撫其官職靡自有鬲氏收斟灌斟鄩之遺

民以滅浞而立少康祀夏配天不失舊物

物事也

○王少康立夏道中興少康崩子杼立○王杼

崩子槐立○王槐崩子芒立○王芒崩子泄立



○王泄崩子不降立○王不降崩弟局立○王局崩子廩立○王廩崩不降之子孔甲立○王孔甲之時夏德衰諸侯多叛之孔甲崩子皐立○王皐崩子發立○王發崩子癸立是爲桀○王桀都安邑滅德作威敷虐于萬方百姓用兵伐有施得其女末喜嬖之荒淫無度有以危亡爲諫者桀自恃天命指日曰是日何時喪乎予及汝偕亡關龍逢強諫桀殺之諸侯多叛桀歸商湯桀囚湯於夏臺欲殺之旣而釋之湯乃



與伊尹與師伐夏與桀戰于鳴條克之桀奔南  
巢夏后氏遂失天下夏有王與無王用歲四百

三十二

司馬溫公稽古錄卷之五



司馬溫公稽古錄卷之六

○殷上

亦號商又封商湯居殷而受命故二號

殷湯子姓曰履其先出於高辛氏帝嚳生契契爲

舜司徒封於商

商在大華之陽今商州

契生昭明昭明生

相土相土居商丘

今應天府

相土生昌若昌若生曹

圉曹圉生冥冥生振振生微微生報丁報丁生

報乙報乙生報丙報丙生主壬主壬生主癸主

癸生天乙世爲諸侯天乙是爲成湯自契至成

湯八遷湯始居亳從帝嚳居湯不邇聲色不殖



貨利

言邇近也殖生也

德懋懋官功懋懋賞用人

惟已改過不吝

勉於德者則勉之以官勉於功者則勉之以賞用人之言若自

已出有過則改無所吝惜所以能成王業

居上克明

言理

為下克忠

事上竭誠

與人不求備檢身若不及

使人必器之常如不及恐有過

為夏方伯葛伯不祀奪餉者黍肉湯始征之歸

市者不止耕者不變誅其君而恤其民自是東

征西夷怨南征北狄怨

西夷北狄舉遠以言則近者著矣

曰奚

獨後予攸徂之民室家相慶曰猷予后后來其

蘇

湯所往之民皆喜曰待我君來其可蘇息

伊尹有元聖之德耕於



有莘之野以樂堯舜之道湯使人以幣聘之使  
三返然後至湯任之以政伊尹以爲桀雖無道  
君也湯雖有聖德臣也不可捨君而輔臣乃去  
亳適夏旣而知桀不可輔復歸于亳乃與湯謀  
伐桀勝之放桀於南巢諸侯共推湯爲天子湯以  
堯舜皆以揖讓傳天子已獨以干戈得之有慙  
德仲虺乃爲之作誥言天錫湯勇智表正萬邦  
夏桀昏德民墜塗炭若陷泥墜火無救之者非德言所能  
諫德言道德善言不可不伐之意湯改紀夏政代虐以



寬又自誥諸侯曰爾有舍朕弗敢蔽罪當朕躬

弗敢自赦惟簡在上帝之心

所以不蔽舍人不赦已罪以其簡在

天心

其爾萬方有罪在予一人

自責化

予一人

有罪無以爾萬方

無以爾萬方言非所及

諸侯由是歸之

湯爲天子十三年而崩太子太丁未立而卒立

太丁之子太甲○王太甲旣立不明欲敗度縱

敗禮伊尹屢諫不聽恐王習不義遂成性欲困

苦以革其心乃放王于桐宮伊尹攝行天子事

王於是悔過遷善三年伊尹復奉王歸于亳復



王位還其政太甲不怨而德之伊尹申戒于王

曰有言逆于汝心必求諸道

人以言拂違汝心必以道義求其意

勿拒

有言遜于汝志必求諸非道

遜順也言順汝心必以非

道察之勿以自臧

太甲由是能休惠于庶民克終湯業

享國三十三年崩號祖甲子沃丁立○王沃丁

崩弟太庚立○王太庚崩子小甲立○王小甲

崩弟雍已立○王雍已崩弟太戊立○王太戊

時伊尹之子陟爲相巫咸佐之亳有祥桑穀共

生于朝一暮大拱

祥妖怪也兩手搯之曰拱

太戊懼伊陟曰



妖不勝德太戊從之桑穀枯死太戊治民祇懼  
不敢荒寧殷復興享國七十五年崩號中宗子  
仲丁立○王仲丁遷于囂仲丁崩弟外壬立○  
王外壬崩弟河亶甲立○王河亶甲居相殷復  
衰河亶甲崩子祖乙立○王祖乙時相爲水所  
毀遷于耿祖乙崩子祖辛立○王祖辛崩弟沃  
甲立○王沃甲崩祖辛之子祖丁立○王祖丁  
崩沃甲之子南庚立○王南庚崩祖丁之子陽  
甲立○王陽甲崩弟盤庚立○王盤庚時復避



水災南涉河遷于亳從湯居行湯政殷復興盤  
庚崩弟小辛立○王小辛時殷復衰小辛崩弟  
小乙立○王小乙崩子武丁立

司馬溫公稽古錄卷之六







司馬溫公稽古錄卷之七

殷下

王武丁思復興殷道亮陰三年不言羣臣咸諫王

曰予恭默思道夢帝賚予良弼

夢天與我良佐

乃以形

求于天下傳說築傅巖之野惟肖

傅巖在今陝州平陸界傳

說賢而隱代胥靡刑人築此道以供食肖似也

王召與語果聖人也爰

立作相置諸左右曰啓乃心沃朕心若藥弗瞑

眩厥疾弗瘳

開汝心以沃我心如服藥必瞑眩極其病乃除欲其出切言以自警

若跣弗視地厥足用傷

跣必視地足乃無傷言欲使爲已視聽

說



曰天立后王君公承以大夫師長不惟逸豫惟

以亂民

不使有位者逸豫民上言立之王使治民

又曰惟治亂在庶

官

言所官得人則治失人則亂

又曰無耻過作非

耻過誤而文之遂成

大非又曰非知之艱行之惟艱王曰若作酒醴爾

惟麴蘖若作和羹爾惟鹽梅

釀酒者麴過太苦蘖過太甘調羹者

鹽過太鹹梅過太酸必求和適為難良相治國懲勸寬猛凡區處施設若大曾之釀酒膳夫之

調羹曲盡其宜乃為善

爾交修予罔予棄予惟克邁乃訓

交非一之義邁行也言我能行政教說曰王人惟學于古訓乃有

獲

有所得

道積于厥躬王曰股肱惟人良臣惟聖



手足具乃成人  
有良人乃成聖  
惟后非賢不父惟賢非后不食

言君須賢治  
賢須君食  
高宗祭成湯有飛雉升鼎耳而雊

古后切  
祖已曰惟先格王正厥事  
言至道之王

鳴也  
而異  
高宗從之不敢荒寧嘉靖殷邦至于小大

無時或怨  
舍謀殷國至于小大之故  
享國五十

九年崩號高宗祖庚立○王祖庚崩弟甲立○

王甲時殷復衰甲崩子廩辛立○王廩辛崩弟

庚丁立○王庚丁崩子武乙立○王武乙復去

亳徙河北王武乙崩子太丁立○王太丁崩子



乙立○王乙崩子受德立○受德一曰辛是爲

紂王紂王都朝歌資辯捷疾聞見甚敏材力過

人智足以距諫言足以飾非矜人以能以爲皆

出已下播棄黎老昵比罪人

布棄不禮敬昵近也

爲天下

逋逃主萃淵藪平居弗祀上帝神祇宗廟恃其

強大喜用兵百戰皆克伐有蘇得其女妲己惟

妲己之言是用作奇技淫巧以悅之淫湎肆虐

作炮烙之法膏銅柱下加之炭令有罪者行焉

輒墮炭中以取妲己笑剗

庫胡切

剔

天易切

孕婦斲



側角切朝涉之脛冬月見朝涉水者謂其脛耐寒斬而視之醢九侯脯

鄂侯囚西伯於羑里羑音西久乃赦之既而西伯

戡黎近王圻之諸侯戡勝也祖伊恐奔告于王王曰嗚呼

我生不有命在天祖伊反曰嗚呼乃罪多參在

上乃能責命于天反報紂也言汝罪惡衆多參列在上天誅且至乃恃命于

天紂終不悛比干強諫紂怒曰吾聞聖人之心

有竅剖比干心箕子懼乃佯狂爲奴紂又囚之

微子恐殷絕祀遂奔周紂專任嬖臣飛廉惡來

知政事於是周武王伐紂殷之士女皆篚其幣



帛迎周師紂率其衆如林會戰于牧野紂卒皆  
不戰前徒倒戈攻于後以北紂走登鹿臺自焚  
死周遂滅殷自成湯受命至是凡六百二十九  
年

司馬溫公稽古錄卷之七



司馬溫公稽古錄卷之八

○周上

周文王姬姓曰昌其先亦出於高辛氏帝嚳生弃

佐禹播時百穀堯封之郅地來切舜命爲后稷后

稷薨子不窋立窋竹律切夏后政衰棄稷不務不窋

用失其官自竄於戎狄之間不窋生鞠鞠生公

劉能修后稷之業務耕種行地宜行者有資居

者有積民賴其慶多徙而歸休焉故詩人歌樂

思其德公劉生慶節國於豳豳與邠同慶節生



皇僕皇僕生羗弗羗弗生毀隤

音俞

毀隤生公非

公非生高圉高圉生亞圉亞圉生公叔祖賴公叔

祖賴生古公亶父古公亶父是爲太王復修后

稷公劉之業積德行義國人皆戴之狄人攻之

事之以皮幣犬馬珠玉皆不得焉乃屬其耆老

而告之曰狄人之所欲者吾土地也吾聞有民

立君將以利之君子不以其所養人者害人民

之在我與其在彼何異民欲以我故殺人父子

而君之吾不忍也二三子何患乎無君我將去



之乃與私屬去邠踰梁山邑于岐山之下居焉  
故號曰周幽人曰仁君不可失也從之者如歸  
市旁國民亦多歸之古公乃貶戎狄之俗營築  
城郭室屋而邑別居之

分別而爲邑治也

民歌樂之肇

基王迹古公長子太伯次仲雍次季歷生昌昌

有聖德在傳弗勤處師弗煩不聞亦式不諫亦

入

道義雖所未樂率意行之冥合於法式  
過失不待人諫言已先入皆言其生知

古公

知其必興周家欲立季歷以傳昌太伯仲雍知

其指自竄於句

古侯切

吳以讓季歷太伯猶服端



委

玄委玄端委貌周之禮服

仲雍遂從夷俗斷髮文身以示

不可用古公薨季歷立是爲王季王篤於行義

諸侯順之王季薨昌立是爲文王都豐文王徽

柔懿恭懷保小民

以美和民道故民懷之以美政恭民故民安之

發政

施仁必以鰥寡孤獨爲先

老而無妻曰鰥老而無夫曰寡老而無子

曰獨幼而無父曰孤此四者天下之窮民而無告者

自朝至于日中曷不

遑暇食用咸和萬民

從朝至日昃不暇食思慮政事用皆和萬民

文

王爲殷西伯

古之王者擇諸侯之賢者分掌天下諸侯文王爲西伯掌西方諸侯

于時西有昆夷之患北有玁狁之難

玁音險狁音允

文



王以天子之命命將帥遣戍役以守衛中國遠  
近之人皆畏而愛之則而象之諸侯大邦畏其  
力小邦懷其德虞芮之君相與爭田久而不平  
欲質於西伯乃相與朝周入其境則耕者讓畔  
行者讓路入其朝士讓爲大夫大夫讓爲卿二  
國之君慙而相謂曰我等小人不可以履君子  
之庭乃相讓以其所爭田爲閑田而退天下聞  
之而歸周者四十餘國時紂方無道諸侯多去  
紂歸文王紂怒囚文王於羑里七年諸侯皆從



之囚紂於是懼而歸之文王乃整兵以誅諸侯  
之不道者伐崇伐密伐阮伐共伐黎皆勝之文  
王爲諸侯四十二年更稱元年三分天下有其  
二以服事殷九年崩壽九十七太子發立是爲  
武王○武王三年喪畢十一年觀兵孟津諸侯  
不期而會者八百餘人皆曰紂可伐武王曰未  
可退而增德及紂殺比干囚箕子十三年武王  
帥諸侯復伐紂與紂戰于牧野克之遂滅紂一  
戎衣天下大定乃反商政政由舊

用商先王善政釋箕



子囚封比干墓式商容間

封益其土商容賢人紂所貶退式其間巷

以禮賢在車上憑軾小俛曰式散鹿臺之財發鉅橋之粟

紂所積之

府倉皆散發以賑貧民

大賚于四海而萬姓悅服

施舍已責救乏

天下皆悅仁服德王還至豐乃偃武修文載

戢干戈載橐弓矢

戢聚橐韜也音高

歸馬于華山之陽

放牛于桃林之野示天下弗服

示天下不復乘用

興滅

國繼絕世舉逸民垂拱而天下治徙都鎬

戶老切

封紂子武庚祿父於殷以守湯祀命王弟管叔

霍叔蔡叔監之又封姬姓之國五十三通道于



九夷八蠻西旅貢獒

西方遠國貢犬犬高四尺曰獒音敖

大保召

公作書戒王以慎終曰明王慎德四夷咸賓

皆賓

服

不役耳目百度惟貞

言不以聲色自役則百度正

玩人喪

德玩物喪志

以人為戲弄則喪其德以器物為戲弄則喪其志

不作無

益害有益功乃成不貴異物賤用物民乃足

遊觀

為無益奇巧為異物言明王之道以

犬馬非其

土性不畜

非此土所生不畜以不習其用

珍禽奇獸不育于國

皆非所用

不寶遠物則遠人格

不侵奪其利則來服矣

所

寶惟賢則邇人安又曰為山九仞功虧一簣

音匱



八尺曰仞喻向成也未成一簣猶不武王卽位  
爲山是以聖人乾乾日昃慎終如始

四年克商克商七年而崩壽九十三成王誦立

○成王年十三周公爲冢宰攝行天子事管叔

蔡叔霍叔乃流言於國曰公將不利於孺子遂

奉武庚祿父淮夷作亂周公帥師東征居東二

年罪人斯得殺武庚祿父及管叔囚蔡叔于郭

鄰降霍叔于庶人滅淮夷三年而歸卜宅洛邑

爲王城使四方入貢道里均又作下都於瀍水

東瀍澄命曰東郊遷殷頑民教治之然天子猶往來

延切



常居鎬京曰宗周夏德既衰戎狄內侵九州之

地寢滅周公復唐虞之舊域斥大九州之境王

畿之外分五服爲侯甸男采衛蠻夷鎮藩九畿

周公攝政凡七年制禮作樂致太平乃復政成

王而告老王曰公無困我哉畱周公爲太師與

召公共輔王室周公作無逸以戒成王曰君子

所其無逸

君子之道所在念德無有逸豫

先知稼穡之艱難乃

逸則知小人之依

稼穡農夫之艱難事先知之乃謀逸豫則知小人之所依

怙

又作立政曰拜手稽首告嗣天子王矣

言不可不



慎宅乃事宅乃牧宅乃準茲惟后矣宅居也居汝事謂六

卿掌事者牧牧民之官謂九州之長準平法者謂士官皆得其人則此惟居矣言立政在官人

文王武王克知三有宅心灼見三有俊心文武能知

擇人居此事牧準三官之心又能灼然見俊德之人可以任此三官者之心所以能立政灼明

見左右攜僕百司庶府雖左右攜持器物之僕及百官有司主券契藏

吏亦皆擇人文王惟克厥宅心乃克司牧人以克俊

有德文王惟其能居必務大略細守本遺末乃能司牧人用能俊有德者文王罔

攸兼于庶言庶獄庶慎惟有司之牧夫文王無所兼知

於毀譽衆言及衆刑獄衆所當慎之事惟慎擇有司牧夫而已勞于求才逸於任賢是訓



用違庶獄庶愼文王罔敢知于茲

是萬民順法用違法衆獄

衆愼之事文王一無敢自知於此委任賢能而已

又作周官命太宰司

徒宗伯司馬司寇司空六卿各帥其屬分掌天

下之務成王卽政三十年崩子康王釗立

釗之遙切

○康王修文武成王之業四海治安成康之世

刑措不用者四十餘年康王崩子昭王瑕立○

昭王時王道微缺昭王南征濟漢沉沒不復周

人諱之不赴告子穆王滿立○穆王將征犬戎

祭

側介切

公謀父曰先王耀德不觀兵夫兵戢而



時動動則威觀則玩玩則無震

震懼也

故先王有

威讓之令有文告之辭布令陳辭而又不至則

增修於德而無勤民於遠王不聽得四白狼四

白鹿以歸自是荒服者不至穆王肆其心

肆極也

周行天下將皆必有車轍馬跡焉祭公謀父作

詩以止王心曰思我王度式如玉式如金

金玉取其

堅形民之力而無醉飽之心

言國之用民當隨其力任如金治之

器隨器而制形故言形民之力去其醉飽過盈之心

王爲之少息在位五

十五年崩子恭王絜扈立



十正平顯子恭王黎鳳立

器制器而師承有司王為之少息亦對正

其制道王必用也并王要友成王友成金

其制道王必用也并王要友成王友成金

其制道王必用也并王要友成王友成金

其制道王必用也并王要友成王友成金

其制道王必用也并王要友成王友成金

其制道王必用也并王要友成王友成金

司馬溫公稽古錄卷之八

稽古錄卷之八



司馬溫公稽古錄卷之九

○周下

恭王崩子懿王薨立

薨居閑切

○懿王崩恭王弟季

王辟方立○季王崩復立懿王太子夷王燹○

夷王時王室卑下堂而見諸侯夷王崩子厲王

胡立○厲王淫昏無道召穆公作詩刺之不敢

斥言借商紂以言之曰殷鑒不遠在夏后之世

桀夷公好專利有寵於王芮良夫諫曰夫利百

物之所生也天地之所載也而或專之其害多



矣天地百物皆將取焉所怒甚多胡可專也王  
人者將以導利而布之上下者也匹夫專利猶  
謂之盜王而行之其歸鮮矣王不聽國人謗王  
王怒得衛巫使監謗者

監察也王以爲巫有以  
神靈有謗必知之

告則殺之國人莫敢言道路以目王喜告召公  
曰吾能弭謗矣召公曰防民之口甚於防川川  
壅而潰傷人必多王不聽後三年民不堪命作  
亂流王于彘太子靖匿於召公之家召公以其  
子代之乃得免大臣共和行政自是以後年始



可譜

共和之初諸侯所自出

○魯

周公曰姬姓周文王之子武王之弟佐文武克商定天下食采於周武王崩成王幼周公攝行天子事七年致太平復政成王成王命周公子伯禽就封於魯都曲阜留周公自輔為太師周公薨於豐魯公伯禽後七君至慎公湏○曲阜今兗

○齊

太公望姜姓其先出於神農氏堯時嘗為四岳封於呂太公事周為文武師佐武王滅商號尚父封於齊都營丘太公留鎬京與周公夾輔成王後五世至胡公靜徙都薄姑胡公弟獻公山徙都臨淄獻公薨子武公壽立○營丘在今青



州界薄姑在棣州  
界臨淄在青州界

晉

唐叔虞姬姓周武王之子成王之弟成  
王封叔虞於唐在河汾之東叔虞子燮  
為晉侯又四世

至靖侯宜曰

秦

仲嬴姓其先出於高陽氏至伯益佐禹  
治水為舜虞其後裔有飛廉飛廉生惡

來革皆以材力事紂與紂俱死飛廉玄

孫曰造父以御得幸於周穆王封於趙

城為趙氏惡來革五世孫非子為周孝

王主馬于汧渭之間馬又蕃息孝王邑

之秦曰秦嬴秦嬴生公伯公伯

生秦仲秦仲始大○秦今秦州

楚

芊姓其先出於高陽氏有子曰黎為高

辛氏火正有功德號祝融黎死弟吳回

代為祝融其後子孫蕃衍為八姓夏商  
之際為顯諸侯已姓昆吾董姓參龍彭



姓彭祖豕韋禿姓舟人妘姓鄩鄩偃陽  
曹姓鄩莒斟姓無後吳回之孫曰季連  
爲芊姓楚之祖也世居蠻荆爲君長其  
苗裔曰鬻熊事周文王鬻熊曾孫熊繹  
事成王封爲楚子熊繹後

八君至熊勇○芊音弭

宋

微子啓殷帝乙之子紂之庶兄周公既  
誅武庚祿父以微子代殷後封於宋世

爲周客微子薨弟衍立號微仲微仲

後六君至僖公舉○宋今應天府

衛

康叔封姬姓周公之弟也周公既伐管  
叔蔡叔以殷餘民封康叔於衛康叔後

八世至僖侯

○衛今衛州

陳

胡公滿帝舜之後周武王克殷以元女  
大姬妻胡公而封諸陳賜姓媯氏後五

世至幽公寧

○陳今陳州



蔡

叔度周公之弟也流言間周公周公囚諸郭鄰其子胡率德改行周公復封諸

蔡蔡仲後四世至

武○蔡今蔡州

曹

叔振鐸周文王之子武王封於曹後五世至夷伯喜○曹今曹州

司馬溫公稽古錄卷之九



